

# Insaniah guna sistem aplikasi komputer terkini

PERPUSTAKAAN Institut Agama Islam Negeri Kedah (Insaniah) akan menggunakan sistem aplikasi komputer terkini bagi memberi kemudahan berkesan kepada orang ramai.

Sistem pengautomasian perpustakaan yang akan digunakan itu adalah hasil kerjasama Bahagian Teknologi Maklumat dan perpustakaan Insaniah yang dijangka siap menjelang Jun depan.

Pustakawan Insaniah, Tawfek Ishak, berkata setiap pinjaman dan pencarian buku selepas ini akan menggunakan sistem komputer berbanding sistem kad yang digunakan sebelum ini.

"Setakat ini, kita mempunyai 35,000 buku dan hampir 80 peratus daripadanya adalah buku agama dalam bahasa Arab.

"Baki selebihnya adalah bahan bacaan berkaitan Kuliyyah Pengurusan dalam bahasa pengantaraan Melayu dan Inggeris," katanya.

Penggunaan perpustakaan itu tidak terhad kepada pelajar dan kakitangannya malahan menjadi tumpuan orang ramai yang kebanyakannya terdiri daripada tenaga pengajar negeri ini.

Antara bahan bacaan terkini yang menjadi tarikan orang ramai membacanya kerana sukar mendapatkannya di perpustakaan lain termasuk al-Bayan, al-Arabi dan al-Kuwaiti.

Selain itu, bahan bacaan lain termasuklah akhbar dari Kuwait seperti al-Siasah dan al-Qabas manakala majalah dari Jordan ialah al-Furqan dan al-Usrah.